

Reagovanje visokog predstavnika na rezoluciju Narodne skupštine Republike Srpske



Narodna skupština Republike Srpske sinoć je usvojila rezoluciju kojom se, između ostalog, tvrdi da imaju pravo na organiziranje referenduma o njenom pravnom statusu.

Visoki predstavnik je duboko zabrinut usvajanjem ove rezolucije u Narodnoj skupštini Republike Srpske.

Visoki predstavnik naglašava da je Bosna i Hercegovina međunarodno priznata država, čiji su suverenitet i teritorijalni integritet garantovani Daytonskim mirovnim sporazumom. Entiteti u Bosni i Hercegovini, prema Daytonskom mirovnom sporazumu, nemaju pravo na otcjepljenje od Bosne i Hercegovine. Ustavna struktura Bosne i Hercegovine, uključujući postojanje entiteta, može se mijenjati samo u skladu sa Ustavom predviđenom procedurom.

Visoki predstavnik osuđuje nasilje u Banjaluci i nanošenje štete diplomatskim predstavništvima. Pozdravlja pozive Narodne skupštine RS i premijera RS Milorada Dodika na smirivanje situacije. Ministarstvo unutrašnjih poslova RS reagiralo je profesionalno u pogledu nezakonitih demonstracija održanih jučer u Banjaluci. Visoki predstavnik očekuje da će vlasti RS i BiH ispunjavati svoje obaveze i održavati javni

red i mir.